



Musikklaget har i mange år spela på juletefesten i Vonheim. Dette biletet er frå spelinga i fjor.

**Uskedal Musikklag har ikkje vore i jamn aktivitet dei siste åra. I slutten av november vaknar dei likevel kvart år til live. Takka vere tradisjonen med spelinga ved julegrantenninga. Slik er det også i år. Sist tysdag var dei samla til første øving for sesongen.**

Komande tysdag er det ny øving, og då håpar dei at litt fleire stiller opp. Dei ansvarlege oppfordrar alle som har lyst til å vera med, til å koma på øving.

Elles er førebuingane til pyntinga i rute. Knut Stensletten kan fortelja at han og Lars Myklebust brukte onsdagskvelden til å gå over og kontrollera lyslenkjene. Laurdag føremiddag har dei planlagt å gjera sjølvte pyntearbeidet, og då er nok heile den rutinerte pyntegjengen på plass.

Elles kan det nemnast at musikklaget er spurt om å spela på juletefesten i Vonheim 4.juledag. Det har dei sjølvst lyst til, for det er ein annan tradisjon som er med å få musikklaget til å vakna til live.

Av: Thor I. Døssland